



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1479. usque ad annum 1494

Fleury, Claude

August. Vind. [u.a.], 1768

VD18 90118340

§. 30. Tumultus, Papa mortuo, Romæ excitati.

[urn:nbn:de:hbz:466:1-66444](https://nbn-resolving.de/urn:nbn:de:hbz:466:1-66444)

Sæcul. XV. suis (*) unde eorum affectu captus non
A. C. 1492. nunquam, quæ æquitati parum conso-
na erant, egisse perstringitur.

§. XXX.

*Tumultus, Papa mortuo, Romæ
excitati.*

Post hæc Cardinales, qui salubrioris aeris gratia æstivo tempore ruri agebant, Romam reduces de Successore eligendo convenient; ast non sine stupore urbem conspiciunt infimæ fecis hominum licentiæ expositam, qui spoliatis ædibus plateas cædibus ac strage impune funestabant, adeo, ut Magistratus ne hiscere quidem auderent, tumultuantis populi furorem veriti. Præterea scelerati pro eo, quod preces ac pia suffragia offerrent, in Pontificem recens defunctum maledicta effundebant, inhumanamque ejus erga pauperes agendi rationem exprobrabant. Cardinales, ut ejusmodi insolentias compescerent, palatii Apostolici custodiam demandant Garcilasso Tarragonensi Archiepiscopo, Viro tuam nobilitate generis, quam consummate prudenter.

(*) Onuphrius tamen de Innocentio refert: *Consanguineis parvum amoris indicium monstrans eos opibus extollere non curavit.*
In vita Innoc. VIII.

dentiae merito longe nominatissimo; cuius Sæcul. XV.
opera jam olim pax inter Innocen- A.C. 1492.
tium VIII. & Neapolis Regem constitu-
ta, & evoluto post tempore Asculorum
seditio repressa fuit, hinc in meri-
ti præmium a defuncti Pontificis succes-
sore Romanæ urbis Præfectus renun-
ciatus est.

Interea justis de more Innocentio
nonnisi die octava Augusti persolutis, ac
re divina præsentibus Cardinalibus per-
acta, Bernardinus de Carvajalo Cartha-
genæ Episcopus, ac Regis Hispaniæ Le-
gatus orationem declamabat, quæ ab o-
mnibus communi applausu deprædicata
est, adeo, ut complures, qui dicentem
exeperant, censerent, Cardinales ora-
toris eloquentia captos ejusdem nationis
Virum abs dubio Cathedræ Apostolicæ
subrogaturos, nec vanum fuisse horum
augurium eventus dœcuit.

His peractis Cardinales numero vi-
ginti tres solemni supplicatione instituta
Conclave ingrediuntur, inter quos Ma-
phæus Gerardus supremus religiosæ Ca-
maldulensis familiæ Moderator, qui An-
no millesimo quadringentesimo octoge-
simono nono ab Innocentio purpura decora-
tus fuerat, Romam acceffit, ut accepto
Cardinalium galero cum ceteris Con-
clave ingrederetur, etiamsi multo senio

H h 5

con-

Secul. XV. confectus, ac podagræ doloribus cruciatus, pedum ministerio penitus destitutus A.C. 1492. esset. Ergo Purpurati ad capellam, quæ a Sixto Papa nomen trahit, conveniunt, & conclavis custodiam Regum Oratoribus committunt, cum autem per vicos & urbis compita fures, assasini, atque latrones uadique graffarentur; hinc integras militum centurias advocare, ac tormentis bellicis vias munire compellebantur, ut eorum palatia petulantium direptioni eriperentur, qua etiam provida sollicitudine Cardinales furentium insultus effugerant. Præterea Palatii Vaticani plateæ densis intercludebantur cancellis, quos ex adversa parte milites muniebant, cum interea equites summorum Pontificum præsidiarii continuo totum Palatii circuitum lustrarent.

§. XXXI.

Cardinalis Borgia in Papam electus.

Leonellus in oratione funebri, quam in Innocentii VIII. laudem præsente toto Cardinalium confessu dixerat, Purpuratos hortabatur, ut eligerent Pontificem moribus purum, cuius omnis ætas ad exemplum S. Leonis I, cuncta virtutum stipendia emeruisse, cuique testimonium præberet integritas vitæ, eique nonnisi